

dit eis potestatem filios Dei fieri : his qui credunt in nomine ejus, qui non ex sanguinibus, neque ex voluntate carnis, neque ex voluntate viri ; sed ex Deo nati sunt. Et Verbum caro factum est, & habitavit in nobis. Et vidimus gloriam ejus, gloriam, quasi Unigeniti à Patre, plenum gratiæ & veritatis.

*Sic concludendo:*

Per ista Evangelica dicta indulgeat nobis Dominus universa nostra delicta. Amen.

ORATIO VEL EXORCISMUS LIBERATIVUS ET PRÆSERVATIVUS.]

*Ab omnibus maleficorum, tum dæmonum infestationibus.*

**Q**ui verbum caro factum est, & habitavit in nobis, nascens ex Maria Virgine, per ineffabilem pietatem, & misericordiam suam piissimam : & per intercessionem ejusdem Beatæ Mariæ Virginis, & Angelorum, Sanctorumque omnium, & maximè Apostolorum & Evangelistarum suorum Joannis & Matthæi, Marci & Lucæ, ipsum quæso, ut dignetur N. liberare, & conservare ab omni infestatione satanæ & ministrorum ejus. Qui cum Patre & Spiritu S. vivit & regnat. Ecce enim Crucem † Domini nostri Jesu Christi, in qua salus, vita & resurrectio nostra, confusio omnium maleficorum ac dæmonum. Fugite ergò partes adversæ ; nam ego conjuro vos dæmones infernales, & spiritus malignos, cujuscunque generis, ita præsentés, sicut absentes, quomodocunque, & sub quocunque prætextu aut vocatos, aut invocatos,  
aut

aut sponte, aut missos, aut per incantationem, seu per artem malorum hominum, aut mulierum properatis ad habitandum, vel molestandum, quatenus semotâ diabolicâ fraude incontinenter debeatis † per Deum vivum, † verum, † sanctum, † Patrem, † Filium, † & Spiritum Sanctum, præsertim per eum, † qui in Isaac est immolatus, † & in Joseph venundatus, † in agno occisus, † in homine crucifixus, in cujus sanguine vicerunt vos, quando Michaël pugnavit vobiscum, & fecit victoriam recedere, appropinquantes retrocedere, nec valeatis sub quocunque prætextu molestare Creaturam istam, nec in corpore, nec extra corpus, nec per visionem, nec per terrorem, neque de die, neque de nocte, nec dormiendo, nec vigilando, nec comedendo, nec orando, nec aliquid naturale, nec spirituale faciendo, aliter vobis infundo † omnes maledictiones, excommunicationes † & pœnas tormentorum detrusionis in stagnum ignis & sulphuris, per manus inimicorum vestrorum Sancta Trinitate jubente, Michaële Archangelo exequente.

Nam si tenemini aliquo vinculo præcepti, adorationis, suffumigii, innodationis, artis & facturæ, ad quemcunque perversum finem & effectum compilato & fabricato, sive in herbis, verbis, lapidibus, elementalibus, sive naturalia sint, sive simplicia, aut mixta, temporalia aut spiritualia, aut sacramentalia, aut in nominibus magni Dei, aut Angelorum, sive in characteribus, horis, minutis, diebus, anno, mense, superstitionisè observato, cum pacto expresso, aut tacito,

etiam juramento firmato, omnia illa † irrito, annullo, destruo, per Potentiam Patris, qui totum mundum creavit, † per sapientiam Filii Redemptoris, † per bonitatem Spiritûs sancti, qui totam legem adimplevit, qui est, † erat, † venerurus est, † Hel † Heloyim † Sother † Emmanuel † Sabaoth † Agla † Tetragrammaton † Omnipotens Agios † Otheos † Ischiros † Athanatos † Jehova, † Alpha & Omega † Principium & Finis † Ya † Adonay † Saday † Homoufion † Messias † Escreheye † Increatus Pater, † Increatus Filius, † Increatus Spiritus sanctus, † Jesus Christus vincit † Christus regnat, † Christus imperat, † si diabolus ligavit vel tentavit te, suo effectu, vel per sua opera.

Extinguatur ergò in Creatura ista, & fugetur omnis virtus diabolica per delationem sanctissimæ Crucis, invocationemque Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, nec non B. Virginis, & omnium in cælo regnantium cum Agno occiso ab origine mundi, & benè viventium in Ecclesia sancta Dei.

Recedite ergo, ut sicut fumus jecoris piscis combusti, dictante Raphaële, spiritum à Sara fugavit; ita benedictiones istæ expellant vos, ut non audeatis accedere ad hanc Creaturam insignitam signo sanctæ † Crucis, per milliaria centum, quia mandatum meum non est meum, sed ejus, qui missus est à sinu Patris, ut opera vestra destrueret, ut in ara Crucis destruxit, nobis talem dedit potestatem, ad gloriam suam, & utilitatem fidelium, vobis imperandi, prout impera-

mus & præcipimus, ut non audeatis accedere. Per Christum Dominum nostrum, † Ecce Crucem Domini, fugite partes adversæ, vicit Leo de tribu Juda, radix David. Alleluja. Amen, Amen. Amen. Fiar. Fiar.

*Instructio Obstetricum.*

1. Necessè est: ut ante omnia formam Baptizandi bene sciant dicendo Lingua vulgari: Ich taufe dich im Namen des Vaters † und des Sohnes † und des heiligen † Geistes Amen.
2. Ut in nullo alio liquore infantes baptizent, præterquam sola aqua naturali, puta puteali, fontana, pluviali &c.
3. Ut in baptizandis parvulis hoc intendant facere, quod facit Ecclesia catholica, cum eos baptizat.
4. Ut nunquam ad levandum partus dolores, vel ad partum accelerandum superstitionas aut illicitas artes circa infantes aut parturientes matres adhibeant.
5. Ut ab illarum prolium Baptismo semper abstineant, quas mortuas viderint, nec ullum vitæ signum edere.
6. Ut nunquam baptizent pueros, nisi in necessitate hoc est, ubi mortis periculum metuitur.
7. Ut si puer periculum evaserit, quamprimum deferant ad Ecclesiam, ut à Sacerdote omnes omissæ ceremoniæ & sacre Uctiones suppleantur, ipsæque, quod à se factum, Pastori aperiant.
8. Ut si partus sit difficilis, & infanti periculum imminet, siquidem Caput emerferit, baptizari possit, nec necesse ullum postea fieri Bap-